

本
草
原
始

本草原始卷之四

木部

松脂節茯苓琥珀

柏實

側柏葉

桂桂心桂枝

槐

實花葉

狗杞地骨皮

酸棗仁

槲木

即黃蘗

楮實

乾漆

五加皮

牡荊實

蔓荊實

辛夷

桑根白皮

楮桑上寄生

杜仲

楓香

脂大楓子

女貞實

榧核

丁香

沉香

乳香

降真香

檀香

金櫻子

吳茱萸

卮子

即梔子

樟腦

即朝腦

騏驎竭

即血龍腦即片腦

阿魏

盧會

蕪荑

枳實

枳殼

烏藥

厚朴

茗兒茶

山茱萸

紫葳即凌霄花

豬苓

五倍子

百藥煎

沒藥

海桐皮

合歡

蜜蒙花

巴豆

連翹

蜀椒目

皂莢

訶梨勒即訶子

棟實

無食子

益智子

蘇方木

木鼈子

椿木樗木

欒櫚

苞木部

竹蘆竹葉淡竹葉苦竹葉


雷丸

木部五十九種附名者十四種

本草原始卷之四

雍丘正字李中立纂輯並書畫

松始生泰山山谷。今處處有之。其葉有兩鬣五鬣七鬣。歲久則實繁。凌冬不凋。按王安石字說云。松柏為百木之長。松猶公也。柏猶伯也。故松從公。柏從伯。**松脂**松之膏脂也。本經一名松膏。一名松肪。本草綱目名松膠。因氣香而色黃。故俗呼松香。又呼黃香。**茯苓**生大松下。今以雲貴出者為佳。形塊無定。以似人龜鳥獸形者為良。有赤白二種。乃假松氣而生者。二月八月

採陰乾。茯者附也。伏松之下。有附之義也。苓者零也。離松之體。有零之義也。故名茯苓。茯神附結本根。既不離本。故曰茯神。史記龜策傳作伏靈。蓋松之神靈之氣。伏結而成。故謂之伏靈。伏神也。是松脂淪入地中。千年所化。生永昌者佳。今西戎亦有。色差淡而明澈。南方者。色深而重濁。入藥以手摩執。可拾草芥者爲上。李時珍曰。虎死則魄入地化爲石。此物狀似之。故謂之虎魄。俗文從玉。以其類玉也。

松葉氣味苦溫無毒。○主治風濕瘡生毛髮安五臟守中不饑延年。○細切以水及麴飲服之。或擣屑丸服。可斷穀及治惡

疾○灸雲凍瘡風瘡佳○去風痛脚痺殺米蟲

列仙傳云毛女在華陰山中客獵師世世見之形體生毛

自言始皇宮人秦亡入山食松葉遂不飢寒身輕如飛

松脂氣味苦甘溫無毒○主治癰疽惡瘡頭瘍白禿疥癩風氣

妄五臟除熱久服輕身不老延年○除胃中伏熱咽乾消渴

風痺死肌鍊之令白其赤者主惡痺○煎膏生肌止痛排膿

抽風貼諸瘡膿血癢爛塞牙孔殺蟲○除邪下氣潤心肺治

耳聾古方多用辟穀○強筋骨利耳目治崩中帶下釀酒

松節氣味苦溫無毒○主治百邪久風風虛脚痺疼痛○釀酒

主脚弱骨節風○炒焦治筋骨間病能燥血中之濕○治風

蛀牙痛煎水含漱或燒灰日搗有效

白茯苓氣味甘平無毒○主治胸脇逆氣憂患驚邪恐悸心下

結痛寒熱煩滿欬逆口焦舌乾利小便久服安魂養神不饑

延年○止消渴好睡大腹淋瀝膈中痰水水腫淋結開胸膈

調臟氣伐腎邪長陰益氣力保神氣○開胃止嘔逆善安心

神主肺痿痰壅心腹脹滿小兒驚癇女人熱淋○補五勞七

傷開心益智止健忘煖腰膝安胎○止渴利小便除濕益燥

和中益氣利腰膝間血○逐水緩脾生津導氣平火止瀉除

赤茯苓主治破結氣○瀉心小腸膀胱濕熱利竅行水

茯苓皮主治水腫膚脹開水道開腠理

茯苓氣味甘平無毒主治辟不祥療風眩風虛五勞口乾止驚

悸多患怒善忘開心益智安魂魄養精神○補勞乏主心下

急痛堅滿人虛而小腸不利者加而用之

茯神心內木主治偏風口面喎斜毒風筋攣不語心神驚掣虛

而健忘○治脚氣痺痛諸筋牽縮

琥珀氣味甘平無毒主治安五臟定魂魄殺精魅邪鬼消瘀血

通五淋○壯心明目磨翳止心痛顛和療蟲毒破癥瘕治產

後血枕痛○止血生肌合金瘡○清肺利小腸

按曹昭格古論云琥珀出西番南番乃楓木津液多年所化

色黃而明瑩者名蠟珀色若松香紅而且黃者名明珀有香

者名香珀出高麗倭國者色深紅有蜂蟻松枝者尤好

松別錄上品
松脂松之津
液也
茯苓神乃
假松氣而生
者
琥珀乃松脂
入地所化



陶隱居云松脂以桑灰汁或酒煮軟按內寒水中數十遍白滑
則可用使
修治茯苓去皮及筋剉用茯苓有有筋者有無筋者無筋者佳
茯苓雲貴者皮紅他處者皮黑有小如雞鵝卵大如匏瓜者惟
以堅如石者為勝
元素曰茯苓性溫味甘而淡氣味俱薄浮而升陽也之才曰馬

問烏之使得甘草防風芍藥紫石英麥門冬共瘥五臟惡白
欽畏牡蒙地榆雄黃秦元龜甲忌米醋及酸物

痔漏神方赤白茯苓去皮浸藥各二兩破故綿四兩石臼搗成

一塊春秋酒浸三日夏二日冬五日取出木籠蒸熟晒乾為
末酒糊為丸梧子大每酒服二十丸漸至五十丸

茯苓臣

修治茯苓神去皮及心內木切用 忌惡同茯苓

茯苓神君

修治琥珀用水調側柏子末安瓷鍋中置琥珀于內煮之從已

至申當有異光搗粉篩用

直指方治小兒胎驚琥珀防風各一錢朱砂半錢為末豬乳調

一字入口中最妙 琥珀君

柏實

始生泰山山谷今處處有之而乾州者最佳三月開花九

月結子候成熟收採蒸暴乾春礪取熟仁子用其葉名**側柏**密

州出者尤佳。按魏子才六書精蘊云。萬木皆向陽而柏獨西指。蓋陰木而有貞德者。故字從白。白者西方也。陸佃埤雅云。柏之指西。猶鍼之指南也。柏有數種。入藥惟取葉扁而側生者。故曰側柏。

柏實俗呼柏子仁氣味甘平無毒

主治驚悸益氣除風濕安五臟久服令人潤澤美色耳目聰明
不饑不老輕身延年○療恍惚虛損吸吸歷節腰中重痛益
血止汗○治頭風腰腎中冷膀胱冷宿水興陽道益壽去百
邪鬼魅小兒驚癇○潤肝○養心氣潤腎燥安魂定魄益智
寧神燒歷澤頭髮治癬疥
側柏葉氣味苦微溫無毒
主治吐血衄血痢血崩中赤白輕身益氣令人耐寒暑去濕痺

生肌○治冷風歷節疼痛止尿血○灸罨凍瘡燒取汁塗頓
黑潤髮髮○傳湯火傷止痛滅癰服之療蠱痢作湯常服絞
五臟蟲益人

柏本經上品
側柏忌塚墓
上采者
柏子仁新鮮
無油者為良

柏樹



修治柏實蒸熟曝烈春簸取仁炒研入藥
畏菊花羊蹄草
奇效方用柏子仁二斤為末酒浸為膏棗肉三斤白蜜白朮末
地黃末各一斤搗勻丸彈子大每嚼一丸一日三服百日百
病愈久服延年壯神

修治柏葉或生或炒各從本方

樵曰苦辛性瀟與酒相宜頌曰性寒之才曰瓜子牡蠣桂為之

使畏菊花羊蹄諸石及麩麴伏砒硝

梅師方治頭髮不生側柏葉陰乾作末和麻油塗之

桂生桂陽葉如柏葉冬夏常青二八十月采皮陰乾半卷多脂

其味辛烈所謂官桂是已名官桂者乃上等供官之桂也一云

出觀賓宜詔欽諸州因名觀桂世人以觀字畫多故寫作官也

俗呼桂皮因皮赤又呼為丹桂按范成大桂海志云凡木葉心

皆一縱理獨桂有两道如圭形故字從圭陸佃埤雅云桂猶圭

也宣導百藥為之先聘通使如執圭之使也爾雅謂之棖者能

侵害他木也。故呂氏春秋云：桂枝之下無雜木。雷公炮炙論云：桂釘木根，其木即死是也。其肉厚辛烈者為肉桂，去其皮與裏當其中者為桂心，其枝之細小者為桂枝。

桂即官桂，桂之厚者名肉桂，氣味甘辛大熱有小毒。主治利肝肺，氣心腹寒熱，冷一痰霍亂，轉筋頭痛，腰痛出汗，止煩

止唾欬，嗽鼻，鼻輓墮胎，溫中，堅筋骨，通血脈，理疎不足，宜導百藥無所畏。久服神仙不老。○補下焦不足，治沉寒痼冷之病。滲泄止渴，去營衛中風寒，表虛自汗，春夏為禁藥，秋冬下部腹痛非此不能止。○補命門不足，益火消陰。○治寒痺風瘡，陰盛失血，瀉痢驚癇。

桂心氣味苦辛無毒。主治九種心痛，腹內冷氣痛不可忍，欬逆結氣，壅痺脚痺，不仁止下痢殺三蟲，治鼻中息肉，破血通利，月閉胞衣不下。○治

一切風氣補五勞七傷通九竅利關節益精明目暖腰膝治
 風痺骨節攣縮續筋骨生肌肉消瘀血破痃癖癥瘕能引血化
 毒○治風僻失音喉痺陽虛失血內托癰疽瘡瘍能引血化
 汗化膿解蛇蟻毒

桂別錄上品
 桂心桂肉之
 中心非桂枝
 之中心也以
 枝代之非也



桂

官桂皮卷色紫赤味辛辣市者每遇缺時即以西桂柳桂充之
 西桂皮薄不卷而味頗辣柳桂皮厚不卷而味不辣宜辨之
 修治桂去粗皮用

果曰桂辛熱有毒陽中之陽浮也氣之薄者桂枝也氣之厚者

桂肉也氣薄則發泄桂枝上行而發表氣厚則發熱桂肉下

行而補腎比天地親上親下之道也

好古曰桂枝入足太陽經桂心入手少陰經桂肉入足少陰太

陰經血分雖有小毒亦從類化與黃芩黃連為使小毒何施

與烏頭附子為使全取其熱性而已與巴豆礱砂乾漆川山

甲水蛭等同用則小毒化為大毒與人參麥門冬甘草同用

則調中益氣便可久服也

之才曰桂得人參甘草麥門冬大黃黃芩調中益氣得柴胡紫

石英乾地黃療吐逆忌生葱石脂

甲乙經治足臂筋急桂末白酒和塗之一日一止

千金方治中風口喎面日相引偏僻煩急舌不可轉桂心酒煮

取汁故布蘸搦病上正即止左喎搦右右喎搦左常用大效

素問曰辛甘發散為陽故漢張仲景桂枝湯治傷寒表虛皆須

桂心君

牡桂 生南海。葉似枇杷。皮薄色黃。味淡少脂。肉氣如木蘭。一名

木桂。

牡桂氣味辛溫無毒。○桂枝味辛甘。氣微熱。主治同牡桂。主治上氣。欬逆。結氣。喉痺。吐吸利。關節補中。益氣。久服通神。輕身不老。○心痛脇痛。脇風溫筋。通脉止煩。出汗。○去冷風。疼痛。○去傷風。頭痛。開腠理。解表發汗。去皮膚風濕。○泄奔豚。散下焦畜血。利肺氣。○橫行手臂。治痛風。

牡桂
本經上品



修治牡桂去粗皮用
經驗後方治大人小兒喫雜果子多腹脹氣急取牡桂礪末飯
丸如菰豆大小兒熟水下五九大人十九未痊再服
牡桂君

箇桂

生交趾桂林山谷巖崖間。葉似柿葉而尖狹光淨。花白葉

黃。四月開。五月結實。樹皮青黃。三月七月採皮日乾。三重者良。
箇者竹名。此桂正圓如竹。故名箇桂。嫩而易卷如箇。即古人所
用箇桂也。故一名箇桂。箇箇字近。後人誤書為箇。今本經又作
從草之箇。愈誤矣。

箇桂氣味辛溫無毒

主治百病養精神和顏色為諸藥先聘通使久服輕身不老面

生光華媚好常如童子

箇桂本經上品
主治與桂心牡
桂迥然不同昔
人所服食者蓋
此類耳



列仙傳云范蠡好食桂飲水討藥人世世見之又桂父象林人
常服桂皮葉以龜腦和服之
諸本草論桂紛紛不一幾不可考按尸子云春花秋英曰桂
含南方草木狀云桂生合浦交趾生必高山之顛冬夏常青

其類自爲林更無雜樹有三種皮赤者爲丹桂葉似柿者爲
菌桂葉似枇杷者爲牡桂其說甚明足破諸家之辯矣

槐

始生河南平澤今處處有之其木有極高大者按爾雅槐有

數種葉大而黑者名櫟槐晝合夜開者名守宮槐葉細而青綠

者但謂之槐其功用不言有別四月五月開黃花六月七月結

實七月七日采嫩實搗汁作煎十月采老實入藥皮根采無時

按周禮外朝之法面三槐三公位焉王安石釋云槐黃中懷其

美故三公位之吳澄注云槐懷也可以懷來遠人春秋元命包

云槐之爲言歸也古者樹槐聽訟其下使情歸實也一云槐虛

星之精。葉密而黑。晝合夜開。故從鬼。

槐實氣味苦寒無毒俗呼槐子又呼槐豆景天為之使
主治五內和氣熱止涎唾補絕傷火瘡婦人乳癰子臟急痛○

久服明目益氣頭不白延年治五痔瘡癰以七月七日取之
搗汁銅器盛之日煎令可丸如鼠屎納竅中日三易乃愈又

墮胎○治大熱難產○殺蟲去風合房陰乾煖飲明目除熱

淚頭腦心胸間熱風煩悶風眩欲倒心頭吐涎如醉養如

紅車上者○治丈夫女人陰瘡濕痒催生吞七粒○疎導風

熱○治口瘡風涼大腸潤肝燥

槐花氣味苦平無毒

主治五痔心痛眼赤殺腹臟蟲及皮膚風熱腸風瀉血赤白痢

並炒研服○涼大腸○炒香頻嚼治失音喉痒又療吐血衄

血崩中漏下

葉氣味苦平無毒主治煎湯治小兒驚癇壯熱疥癬及下腫皮

莖同用○和氣產難絕傷及癰疹牙齦諸風未嫩葉食

枝主治洗瘡及陰囊下濕痒八月斷大枝候嫩藥莖汁釀酒療
 大風痿痺甚效○炮熟熨蠹毒○青枝燒瀝塗癰瘡黑指牙
 去蟲煎湯洗痔核○燒灰沐頭長髮○治赤目崩漏

槐本經上品
 槐實凡采得只取
 兩子三子者待乾
 以銅鏈鎚破用烏
 牛乳浸一宿蒸用
 槐花未太開采收
 陳者良入藥炒用
 花未開者為槐子
 染家水煮染色



和劑局方槐角丸治五種痔漏腸風下血脫肛槐角去梗炒一
 兩地榆當歸酒焙防風黃芩枳殼麩炒各半兩為末酒糊丸

梧子大每服五十九米飲下

別錄曰槐實酸鹹好古曰純陰肝經氣分藥也元素曰槐花味厚氣薄純陰也時珍曰味苦色黃氣涼陽明厥陰血分藥也

朱氏集驗方治舌衄出血槐花末傅之即止

槐子臣

枸

古以常山者爲上今以甘州者爲佳春生苗葉如石榴葉

而軟薄堪食俗呼爲甜菜其莖幹高三五尺作叢六月七月生

小紅紫花隨便結實形微長如棗核其根名**地骨**詩小雅云集

于苞杞陸機詩疏云苦杞爾雅名枸檮衍義名枸棘綱目曰枸

杞二樹名此木棘如枸之棘莖如杞之條故兼名之其根最長

故曰地骨俗呼地骨皮

枸杞氣味苦寒無毒主治五內和氣熱中消渴周痺風濕久服
 堅筋骨輕身不老耐寒暑○下胸脇氣客熱頭痛補內傷大
 勞嗑吸強陰利大小腸○補精氣諸不足易顏色變白明目

安神令人長壽


地骨皮氣味苦寒主治細剉拌麩炙熟吞之去腎家風益精氣

○去骨熱消渴○解骨蒸肌熱風濕痺堅筋骨涼血○治在

表無定之風和傳尸有汗之骨蒸○瀉腎火降肺中伏火去

胞中火退熱補正氣○治上膈吐血煎湯嗽口止齒血治骨

槽風○治金瘡神驗



枸杞地骨
本經上品

根皮
黃色

枸杞子氣味苦寒權曰其平主治堅筋骨耐老除風去虛勞補

精氣○主心病噎乾心痛渴而引飲腎病消中○滋腎潤肺

榨油點燈明目

修治枸杞子擇紅小鮮明者揀去枝梗酒潤搗爛入藥

修治地骨皮以熟甘草湯洗淨焙乾用

果曰地骨皮苦平寒升也陰也好古曰入足少陰手少陽經制

硫黃丹砂

道書言千載枸杞其形如犬故得狗名按劉禹錫枸杞井詩云

僧房藥樹依寒井井有清泉藥有靈羣黛葉生籠石甃殷紅

子熟照銅餅枝葉本是仙人杖根老能成瑞犬形上品功能

井露味還知一勺可延齡又續仙傳云朱孺子見溪側二花

犬逐入于枸杞叢下掘之得根形如二犬烹而食之忽覺身

輕周密浩然齋日鈔云宋徽宗時順州藥城得枸杞其形如

犬者據前數說則枸杞之滋益不獨子而根亦不止于退熱

而已

地骨皮本經名地節日華子名地仙別錄名却暑名仙人杖

衍義云枸杞當用梗皮地骨當用根皮枸杞子當用紅實是一物有三用其皮寒根大寒子微寒亦三等此正是孟子所謂性由杞柳之杞今人多用其子直為補腎藥是曾未考究經意當更量其虛實冷熱用之

酸棗

始生河東川澤。今近京及西北州郡皆有之。野生多在坡

坂及城壘間。似棗木而皮細。其木心赤色。莖葉俱青。花似棗花。

八月結實紫紅色。似棗而圓小。味酸。當月採實取核中仁陰乾。

爾雅辨棗之種類曰實小而酸曰檳棘。孟子曰養其檳棘。趙岐

注所謂酸棗是也。

酸棗仁氣味酸平無毒

主治心腹寒熱和結氣聚四肢酸痛濕痺久服安五臟輕身延

年○煩心不得眠○臍上下痛○血轉久洩○虛汗煩渴○補中益肝
氣堅筋骨○助陰氣○能令人肥健○
○筋骨風炒仁研湯服

酸棗仁本經上品

欬曰用仁以葉拌
蒸半日去皮尖用
今人修治多睡生
用不得睡炒熟用

俗呼山棗惡防已



酸棗小而圓其核中仁偏有紫色者色赤色者

外臺秘要療刺在人肉中不出酸棗核燒末水服之立便得出

藥

即黃始生漢中山谷及永昌○今處處有之以蜀中者為佳○

木高數丈。葉類茱萸及紫椿。經冬不凋。皮外白裏深黃色。根如松下茯苓。二月五月采。皮日乾。別錄名黃蘗。俗作黃柏者。省。馮之謬也。

黃蘗氣味苦寒無毒

主治五臟腸胃中結熱黃疸腸痔止洩痢女子漏下赤白陰傷蝕瘡○療驚氣在皮間肌膚熱赤起目熱赤痛口瘡久服通神○熱瘡起蟲瘡血痢止消渴殺蟲○男子陰痿及傳莖上瘡治下血如雞鴨肝片○安心除勞治骨蒸洗肝明目多淚口乾心熱殺疳蟲治蛇心痛鼻衄腸風下血後急熱腫痛○瀉膀胱相火補腎水不足堅腎壯骨髓療下焦虛諸痿癱瘓利下竅除熱○瀉伏火救腎水治衝脉氣逆不渴而小便不通諸瘡痛不可忍○得火治口舌生瘡○傳兒頭瘡熱為治瘰癧要藥得細辛瀉膀胱火治口舌生瘡○傳兒頭瘡

黃蘗本經上品

修治擇皮緊厚
二三分鮮黃者
削去粗皮用生
蜜水浸半日漉
出晒乾用蜜塗
文武火炙令蜜
盡為度



一云氣味俱厚沉而降陰也又云苦厚微辛陰中之陽入足少
陰經為足太陽引經藥
好古曰黃芩梔子入肺黃連入心黃蘗入腎燥濕所歸各從其
類也故活人書四味解毒湯乃上下內外通治之藥
黃蘗惡乾漆伏硫黃

外臺秘要治口中及舌生瘡爛劉黃蘗含之

黃蘗使

栳

始生少室山今所在有之其葉似葡萄作瓣而有子者為

佳其實大如彈丸生青熟紅八九月采實水浸去皮穰取中子

入藥俗呼栳桃本經一名穀實楚人呼乳為穀其木中白汁如

乳故以名之今人呼為栳實子

栳實氣味甘寒無毒

主治陰痿水腫益氣充肌明目久服不飢不老輕身○壯筋骨

助陽氣補虛勞健腰膝益顏色

葉氣味甘涼無毒

主治小兒身熱食不生肌可作浴湯又主惡瘡生肉○治刺風

身癢○治鼻衄數升不斷者搗汁三升再服之良久即止
嫩茹之去四風痺赤白下痢○炒研搜麩作飣飽食之主

水痢○利小便去風濕腫脹白濁疝氣癰瘡

楮實別錄上品

實如彈丸生青
有毛熟赤色秋
采日乾去皮穰
取中子子類紅
穀



修治楮實子去輕浮者以酒浸一時焙乾用

葉堪包半夏麩

廣利方治蝎螫人痛不止穀樹白汁塗之立差

乾漆

始生漢中川谷今蜀漢金峽襄欽州皆有之木高三二丈

皮白葉似椿花似槐子若牛李木心黃夏至後以竹筒針入木

中取之。舊云用漆桶中自然乾者。狀如蜂房孔孔隔者。今多用筒子內乾者。以黑如鑿堅如鐵石者為佳。許慎說文曰。漆本作𣎵。木汁可以繫物。其字象水滴而下之形也。

乾漆氣味辛溫無毒

主治絕傷補中續筋骨填髓

腦安五臟五緩六急風寒

濕痺生漆去長蟲久服輕

身耐老○乾漆療欬嗽消

瘀血病結腰痛女子疝瘕

利小腸去蛇蟲○殺三蟲

通經脉○治傳尸勞除風

○削年深堅結之積滯破

日久疑結之瘀血



修治乾漆搗碎炒熟不爾損人腸胃若是濕漆煎乾更好亦有

燒存性者

元素曰辛平有毒降也陽中陰也之才曰半夏為之使畏雞子

忌油脂

淮南子云漆見蟹而不乾相感志云漆得蟹而成水蓋物性相

制也宗奭曰濕漆藥中未見用凡用者皆乾漆耳其濕者在

燥熱及霜冷時則難乾得陰濕雖寒月亦易乾亦物之性也

若露漬人以油治之凡驗漆惟稀者以物蘸起細而不斷斷

而急收更又塗于乾竹上陰之速乾者並佳

凡人畏漆者爵蜀椒塗口鼻則可免生漆瘡者杉木湯紫蘇湯

漆姑草湯蟹湯浴之皆良毒發飲鐵漿并黃蘗汁并豆湯喫

蟹並可制之

婦人產後血運多用乾漆火燒烟薰鼻

乾漆臣

五灰

始生漢中及宛句今近道處處有之春生苗莖葉俱青

作叢。赤莖。又似藤蔓。高三五尺。上有黑刺。葉生五枚。作簇者良。四葉三葉者最多。爲次。每一葉下生一刺。三四月開白花。結青子。至六月漸黑色。根若荊根。皮黃黑。肉白骨硬。十月采。根陰乾。今江淮所生者。根類地骨皮。輕脆。芬香是也。其苗莖有刺。類薔薇。長者至丈餘。葉五出。香氣如橄欖。春時結實如豆粒而扁。青色。得霜乃紫黑。吳中亦多。俗名爲追風使。機曰。生南方者類草。故小。生北方者類木。故大。時珍曰。春月于舊枝上抽條。山人采爲蔬茹。正如枸杞。生南方堅地者如草類。生北方沙地者皆木。

類也。此藥以五葉交加者良。故名五加。楊慎丹鉛錄作五佳云。一枝五葉者佳。故也。炮炙論名五花。蜀人呼為白刺。譙周巴蜀異物志名文章草。有贊云。文章作酒能成其味。以金買草。不言其貴是已。

五加皮氣味辛溫無毒

主治心腹疝氣腹痛益氣療躄小兒三歲不能行疽瘡陰蝕○
男子陰痿囊下濕小便餘瀝女人陰癢及腰脊痛兩脚痿痺
風弱五緩虛羸補中益精堅筋骨強志意久服輕身耐老○
破逐惡風血四肢不遂賊風傷人軟脚臂腰主多年瘀血在
皮肌治痺濕內不足○明日下氣治中風骨節攣急補五勞
七傷○藥酒飲治風痺四肢攣急○作末浸酒飲治目僻眼
翳○葉作蔬食去皮膚風濕

五加皮本經上品
今市賣一種曰南
五加皮色白彷彿
白鮮柔韌而無味
殊為卑失

五加皮五葉者良



根黃
色類
地骨
皮輕
脆芬
香者
為真

修治五加皮去骨之才曰遠志為之使惡玄參蛇皮
昔魯定公母單服五加酒以致不死臨隱去佯託死時人自莫
之悟耳張子聲楊建始王叔才于世彥皆服此酒而房室不
絕得壽三百年有子二十人世世有得服五加酒散而獲延
年不死者不可勝計或只為散以代湯茶而餌之驗亦然也
大王君謂五加云蓋天有五車之星精也金應五湖人應五
德位應五方物應五車故青精入莖則有東方之液白氣入

節則有西方之津赤氣入華則有南方之光玄精入根則有北方之粘黃煙入皮則有戊己之靈五神鎮生相轉育成用之者真仙服之者友嬰也

牡荊實


始生河間南陽宛句山谷。或平壽都鄉高岸上及田野。

今眉州蜀州及近京亦有之。俗呼黃荊是也。枝莖堅勁作料。不為蔓生。故稱牡。葉如蓖麻更疎瘦。花紅作穗。實細而黃。如蔓荊子而小。故本經名小荊。古者刑杖以荊。故字從刑。

牡荊實氣味苦溫無毒

主治除骨間寒熱通利胃氣止欬逆下氣。○得柏實青箱朮療風。○炒焦為末飲服治心痛及婦人白帶。○用半升炒熟入酒一盞煎一沸熱服治小腸疝氣甚效。浸酒飲治耳聾。

牡荊別錄上品
之才曰防已爲
之使畏石膏
集簡方治濕痰
白濁牡荊子炒
爲末酒服二錢



荊實

舊不載所出州土。今近京及秦隴明越州多有之。莖高

四尺。對節生枝。初春因舊枝而生葉。類小楝。至夏盛茂。有花作

穗。淺紅色。藥黃白色。花下有青萼。至秋結實。斑黑如梧子。許大


而輕虛。八月九月采實。一說葉如杏葉。作蔓生。故名蔓荊。

蔓刺實氣味苦微寒無毒

上治筋骨間寒熱濕痺拘攣明目堅蔭利九竅去白蟲久服輕
身耐老小刺實亦等○風頭痛腦鳴目淚出益氣令人光澤
脂綴○治賊風長髭髮○利關節治癰疾赤眼○太陽頭痛
頭沉昏悶除昏暗散風和涼諸經血止目睛內痛○搜肝風

俗呼蔓刺子
元素曰味辛
溫氣清陽中
之陰入太陽
經之才曰惡烏
頭石膏

蔓刺實本經上品



修治數曰
凡使去蒂
子下白膜
一重酒浸
一伏時蒸
之從已至
未晒乾用

危氏得效方治乳癰初起蔓荊子炒爲末酒服方寸匕渣傳之
蔓荊子臣

辛夷始生漢中川谷。今處處有之。木高數丈。葉似柿而長。正月

二月生花。似著毛小桃子。故本經名侯桃。色白帶紫。花落無子。至夏復開。花入藥用。花葉縮者良。已開者劣。謝者不佳。初出如筆。北人呼爲木筆。其花最早。南人呼爲迎春。李時珍曰。夷者蕘也。其苞初生如蕘而味辛也。

辛夷氣味辛溫無毒

主治五臟身體寒熱風頭腦痛面黧久服下氣輕身明目增年耐老○溫中解肌利九竅通鼻塞涕出治面腫引莖痛眩冒身兀兀如在車船之上者生鬚髮去白蟲○通關脉治頭痛

憎寒體慄癢入面脂生光澤○鼻淵鼻軌鼻窒鼻瘡及痘後鼻瘡並用研末入麝香少許葱白蘸入數次甚良

辛夷本經上品
花有紅紫二種
入藥當用紫者
須未開時收之



修治辛夷去外毛皮用何裏實者微炙○時珍曰氣味俱薄浮而散陽也入手太陰足陽明經○之才曰芫薺為之使惡五石脂畏菖蒲蒲黃黃連石膏黃環

桑根白皮

舊不載所出州土今處處有之有數種有白桑葉大

如掌而厚。雞桑葉花而薄。子桑先椹而後葉。山桑葉尖而長。子種者。不若壓條而分者。入藥用根。古本草言桑根見地上者。名馬額。有毒殺人。旁行出土者。名伏蛇。亦有毒而致心痛。故吳淑事類賦云。伏蛇痛。馬額殺人。徐鉉說文字解云。桑音若。東方自然神木之名。其字象形。桑乃蠶所食葉之神木。故加木于桑下。而別之。典術曰。桑乃箕星之精。**桑上寄生**。葉類橘而厚軟。莖類槐而肥脆。高一二尺。諸樹皆有。惟寄生桑樹枝節間者佳。故曰桑上寄生。

桑根白皮氣味甘寒無毒

主治傷中五勞六極羸瘦崩中絕脈補虛益氣○去肺中水氣

唾血熱渴水腫腹滿脹利水道去寸白可以縫金瘡○治

肺氣喘滿虛勞客熱頭痛內補不足○煮汁飲利五臟入散

用下一切風氣水氣○調中下氣消痰止渴開胃下食殺腹

臟蟲止霍亂吐瀉研汁治小兒天弔驚癇客忤及傳驚口瘡

大驗○瀉肺利大小腸降氣散血

皮中白汁主治小兒口瘡白漫拭淨塗之便愈又塗金所

傷燥痛須臾血止仍以白皮裹之甚良○塗蛇蜈蚣蜘蛛傷

有驗取枝燒瀝治大風瘡疥生眉髮

桑椹主治單食止消渴○利五臟關節痛血氣久服不飢安魂

鎮神令人聰明變白不老多收暴乾為末蜜丸日服○搗汁

飲解中酒毒釀酒服利水氣消腫


桑上寄生氣味苦平無毒

主治腰痛小兒背強癰腫充肌膚堅髮齒長鬚眉安胎○去女

子崩中內傷不足產後餘疾下乳汁主金瘡去痺○助筋骨

益血脉○主懷妊漏血不止令胎牢固

桑根白皮本經中品
種樹書云桑以構接
則桑大桑根下埋龜
甲則茂盛不蛀
桑上寄生本經上品
按鄭樵通志云寄生
有兩種一種大者葉
如石榴葉一種小者
葉如麻葉黃色



修治桑根白皮采十年以上向東畔嫩根銅刀刮去黃皮取裏
鉛白皮切焙乾用其皮中涎勿去之藥力俱在其上也忌鐵及
呆曰甘辛寒可升可降陽中陰也好古曰甘厚而辛薄入手太

陰經之才曰續斷桂心麻子為之使

聖惠方治髮鬢墮落桑白皮剉二升以水淹浸煮五六沸去滓

頻頻洗沐自不落

桑白皮使時珍曰寄生高者二三尺其葉圓而微尖厚而柔面青而光澤背淡紫而有茸人言川蜀桑多時有生者他處鮮得須自采或連桑采者乃可用世俗多以襍樹上者充之氣性不同恐反有害也

修治桑寄生以銅刀和根枝莖葉細剉陰乾用勿見火桑寄生臣

樹寄生始生上虞山谷及上黨漢中今深山大谷所在有之樹高

數丈葉似辛夷亦類柘其皮類榆柳折之內有白絲如綿相連故一名木綿昔杜姓仲名者服此得道因名杜仲

本草原始

木部

四卷

杜仲氣味辛平無毒

主治腰膝痛補中益精氣堅筋骨強志除陰下瘡濕小便餘瀝
久服輕身耐老○脚中酸疼不欲踐地○治腎勞腰脊攣○
腎冷繫腰痛人虛而身強直風也腰不利加而用之○能使
筋骨相著○潤肝燥補肝經風虛
其木可作履益脚

杜仲本經上品
元素曰性溫味
辛甘氣味俱薄
沉而降陰也
好古曰肝經氣
分藥也
惡玄參蛇蛻皮



修治凡使削去粗皮每一斤用酥一兩蜜三兩和塗火炙以盡

為度細剉用今有以薑汁拌炒去絲者
按雁元英談藪云一少年新娶後得脚軟病且疼甚醫作脚氣
治不效路鈴孫琳診之用杜仲一味寸斷片折每一兩半酒
半水一大盞煎服三日能行又三日全愈琳曰此乃腎虛非
脚氣也杜仲能治腰膝痛以酒行之則為效容易矣


楓香脂

所在大山皆有之。今南方及關陝甚多。樹甚高大似白

楊葉圓而作岐。有三角而香。二月有花。其實作毬有柔刺。大如
鴨卵。其脂為白膠香。爾雅謂楓為攝攝。言天風則鳴攝攝也。說
文解字曰。楓木厚葉弱枝善搖。故字從風。漢宮中多植之。至霜
後葉丹可愛。故稱楓宸。梵書謂之薩閣羅婆香。俗呼芸香。

楓香脂即白膠香氣味辛苦平無毒
 主治癰瘡風痒浮腫煮水浴之入主齒痛○一切癰疽瘰癧疥金
 瘡吐衄咯血活血生肌止痛解毒燒過揩牙永無牙疾

白膠香
 唐本草
 係楓木
 津液形
 類乳香
 色白而
 香堪焚



修治楓香脂以鹽水煮二十沸入冷水中批數十次曬乾用
 簡要濟衆治吐血不止白膠香為散每服二錢新汲水調下
大楓 楓樹高大故曰大楓或云能治大風疾故名大楓子。

大楓子氣味甘熱○主治癰風癩疥瘡癰殺蟲又治楊梅諸瘡

大楓子 有毒

大楓子形類松子大如雷丸新者仁色白久者仁色黃

修治去殼取仁

按楓木連抱大者甚多並結毬而不結子本經以大楓子內附

但載主治餘無一言誠可怪也今問市家所得咸云海船留

來疑必外番別有一種楓木不然何獨指此為名而不言他

木耶姑述之以俟識者再政之

手背皴裂大楓子仁搗泥塗之

女貞實始生武陵川谷今處處有之山海經云泰山多貞木是

此木也其葉似枸骨及冬青木極茂盛凌冬不凋五月開細花

青白色九月而實成似牛李子立冬採實暴乾李時珍曰此木

凌冬青翠。有貞守之操。故以女貞狀之。

女貞實氣味苦平無毒。生治補中安五臟。養精神除百病。久服肥健。輕身不老。○強陰健腰膝。變白髮明目。

女貞實本經上品。亦呼為冬青。與冬青同名異物。蓋一類二種。爾女貞葉長子黑色。冬青葉微圓子紅色。為異。





女貞

始生函谷川谷及巴西。今河東亦有之。其木高五七尺。莖

間有刺。葉細似枸杞而尖長。花白。子紅紫色。附枝莖而生。類五

味子。六月成熟。米實。破核取仁。陰乾。爾雅。棫白。棫即此也。其花實。糝。糝下。垂。故謂之棫。後人作糝。

仁氣味甘。溫無毒。主治心腹和熱。結氣。明目。目赤。痛傷。淚出。目腫。皆爛。夕服。輕身。益氣。不饑。○強志。明目。目○破心下結痰。痞氣。歸鼻。○治鼻衄。○生治足睡。熟治不眠。

糝核本經上品  核紫  多文理。仁皮黃。肉白。

修治糝仁。以湯浸。去皮尖。擘作兩片。每四兩用芒硝一兩。木通草七兩。水煮。一伏時。取仁。研膏。入藥。

孫氏集效方。治一切眼疾。糝仁。去油。三錢。甘草。防風。各六錢。黃連。五錢。以三味。熬取濃汁。次下糝仁。膏。日點。經驗良方。治赤爛眼。用糝仁。杏仁。各一兩。去皮。研勻。入膩粉。少許。為丸。每用熱湯化洗。

丁香始生交廣南蕃。今惟廣州有之。木類桂。高丈餘。葉似櫟。陵

冬不凋。花圓細黃色。其子出枝葉上。紫色。長三四分。形如釘子。

故名丁香。有雄雌。雄顆小。俗呼公丁香。雌顆大。俗呼母丁香。

雄丁香氣味辛溫。無毒。主治溫脾胃。止霍亂。擁脹。風毒。諸腫。瘰

癧。蠱能發諸毒。○風蠱骨槽勞臭。殺蟲辟惡。去邪。治奶頭花

止五色毒痢。五痔。○治口氣冷。氣冷。勞反胃。鬼症。蠱毒。殺酒

毒。消疰。癰瘰。瘰癧。氣奔豚。氣陰痛。腹痛。壯陽。暖腰。膝。○療嘔逆

甚驗。○去胃寒。理元氣。氣血盛者勿服。○治虛噦。小兒吐瀉

痘瘡。胃虛。灰白不發。

雌丁香氣味辛微溫。無毒。主治風水。毒腫。霍亂。心痛。去惡熱。○

吹鼻殺腦。瘰癧入諸香中。令人身香。○同薑汁塗。拔去白鬚孔。

中即生黑者。異常。

丁香樹皮名丁皮。氣味同香。主治齒痛。○心腹冷氣。諸病。家用。

代丁香皮似桂皮而厚

宋開寶



公丁香形
瘦小頭有
四瓣花



母丁香形
肥大似山
茱萸

修治方中多用雌者力大膏煎中若用雄須去丁盡乳子發人

背癰也不可見火

好古曰純陽入手太陰足少陰陽明經畏鬱金

德生堂經驗方治反胃關格氣噎不通丁香木香各一两每服

四錢水一盞半煎一盞先以黃泥做成盆瀝藥汁于內食前

服此方乃椽史吳安之傳于都事蓋耘夫有效試之果然土

盆取其助脾也

沉香 出海南諸國及交廣崖州其木類椿樺多節葉似橘花白

子似檳榔大如桑椹紫色而味辛欲取之先斷其積年老木根

經年其外皮幹俱朽爛其木心與枝節不壞者即香也。細枝緊實未爛者爲青桂。黑堅沉水者爲沉香。俗謂之角沉。半沉者爲棧香。棧香中形象雞骨者爲雞骨香。象馬蹄者爲馬蹄香。在土中不待創剔而成薄片者謂之龍鱗。俗呼鯽魚片。不沉者爲黃熟香。俗訛爲速香。蘇香是已。削之成卷咀之柔韌者謂之黃蠟。沉入藥沉水者上。半沉者次之。不沉者但可薰衣及焚燒而已。南越志言交州人稱爲蜜香。謂其氣如蜜脾也。梵書名阿迦嚧香。

沉香氣味辛微溫無毒

主治風水毒腫去惡氣○主心腹痛霍亂中惡邪鬼疰氣清人
神並宜酒煮服之諸瘡腫宜入膏中○調中補五臟益精壯
陽暖腰膝止轉筋吐瀉冷氣破癥瘕冷風麻痺骨節不任風
濕皮膚瘙癢氣痢○補石腎命門○補脾胃及痰涎血出於
脾○益氣和神○治上熱下寒氣逆喘急大腸虛閉小便氣
淋男子精冷

別錄上品



修治沉香須要不枯如紫角硬重沉于水下者為上半沉者次
之不可見火入丸散剉為末或以水磨粉晒乾亦可入煎劑

惟磨汁隨時入之。○今市家多以夾板沉香充角沉香。雖亦

沉水。但劈無正文。內夾穢汚。如黑土焚之。且不香。為異。

大明曰。辛熱。元素曰。有升有降。

吳球活人心統治胃冷久呃。沉香紫蘇白豆蔻仁各一錢。為末。

每柿蒂湯服五七分。

乳香

西出天竺。南出波斯等國。其樹類松。生于沙中。盛夏木膠

流出沙上。狀如桃膠。其氣香。其形如乳頭。故名乳香。西者色黃

白。南者色紫赤。如乳頭。透明者。俗呼滴乳。又曰明乳。鎔塌在地

雜沙石者。為塌香。俗呼塌乳。

氣味微溫。無毒。

主治耳聾中風口噤不語。婦人血氣止大腸洩。辟瘴諸瘡。令內

消能發酒理風冷。○下氣益精補腰膝。治腎氣止霍亂。衝惡。

中和氣心腹痛疰氣煎膏止痛長肉○治不眠○補腎定諸
經之痛○仙方用以辟穀○消癰疽諸毒托裏護心活血定
痛伸筋治婦人產難折傷

別錄
上品

滴乳



松香可亂乳香
焚之乃辨真偽

修治頌曰乳性至粘難碾用時以繒袋掛於窓隙處良久取研
乃不粘也○大明曰入丸散微炒殺毒則不粘○或言入丸
藥以少酒研如泥以水飛過晒乾用或言以燈草同研易細
或以竹葉上炙之研易細
元素曰苦辛純陽震亨曰善竄入手少陰經

降真香

出黔南並南海山中及大秦國其香似蘇方木燒之初

不甚香得諸香和之則特美入藥以苗降紫而潤者為良按仙

傳云燒之感引鶴降。熊星辰燒此香。甚為第一。度錄燒之功力。極驗。降真之名。以此。俗呼降香。

氣味辛溫無毒

主治燒之辟天行時氣。宅舍怪異。小兒帶之辟邪惡氣。療折傷金瘡。止血定痛。消腫生肌。

降真香證類

鳳眼降香形

色紫而多節



醫林集要治金瘡出血。降香炒五倍子等分。為細末。傅之。

檀香

按大明一統志云。出廣東雲南及古城。真臘。瓜哇。勃泥。暹

羅。三佛齊。回回等國。今嶺南諸地亦有之。樹葉皆似荔枝皮。青

色而滑澤。葉廷珪香譜云。皮實而色黃者為黃檀。皮潔而色白者為白檀。皮腐而色紫者為紫檀。其木並堅重清香。而白檀尤良。宜以紙封收。則不洩氣。李時珍曰。檀善木也。故字從檀。檀善也。番人呼為真檀。

白檀氣味辛溫無毒。主治消風熱。腫毒。○治中惡。氣殺蟲。○煎服止心腹痛。霍亂。腎氣痛。水磨塗外。腎并腰痛處。○散冷氣。引胃氣上升。進飲食。○噎膈吐食。又面生黑子。每夜以漿水洗拭。令赤磨汁塗之。甚良。黃檀最香。可作帶。髹扇骨等物。

檀香
別錄下品

白者良



大明曰熱元素曰陽中微陰入手太陰足少陰通行陽明經



今南中州郡有。而以江西劍南嶺外者爲勝。叢生郊野中。大類薔薇有刺。四月開白花。夏秋結實。亦有刺。黃赤色。形似小石榴。故一名山石榴。又一名刺梨子。本草綱目云。金櫻當作金罌。謂其子形如黃罌也。

氣味酸濇平無毒
主治脾洩下痢止小便利濇精氣久服令人耐寒輕身

金櫻子蜀本草



色黃赤有刺

其子大如指尖狀如石榴而長其核細碎而有白毛
修治金櫻子劈開去核并毛酒洗淨用

吳茱萸 始生上谷及冤句。今江淮蜀漢最多。木高丈餘。皮青綠。色葉似椿而闊厚。紫色。三月開紅紫細花。七月八月結實。似辣子。顆粒緊小。嫩時微黃。熟則色青綠。陳藏器曰。茱萸南北總有。入藥以吳地者為好。所以有吳之名也。

氣味辛溫有小毒

主治溫中下氣止痛除濕血痺逐風邪開腠理救逆寒熱○利五臟去痰冷逆氣飲食不消心腹諸冷絞痛中惡心腹痛○利霍亂轉筋胃冷吐瀉腹痛產後心痛治過身癰痺刺痛腰脚軟弱利大腸壅氣腸風痔疾殺三蟲○殺惡蟲毒牙齦蟲匿鬼魅疰氣○下產後餘血治腎氣脚氣水腫通關節起陽健脾主痢止瀉厚腸胃肥健人○治痞滿塞胃咽膈不通潤肝燥脾○開鬱化滯治吞酸厥陰痰涎頭痛陰毒腹痛疝氣血

痢喉舌口瘡

吳茱萸形

陳久者良開口者有毒

本經中品



如食茱萸而小黑色

修治吳茱萸酒深湯中浸去苦烈汁七次焙用

好右曰辛苦熱氣味俱厚陽中陰也半浮半沉入足太陰經血

分少陰厥陰氣分李時珍曰辛熱走氣動火昏目發瘡

之才曰蓼實為之使惡丹參消石白堊畏紫石英

陰下濕痺吳茱萸煎湯頻洗取効



始生南陽川谷今南方及西蜀州郡皆有之木高七八尺

葉似李而厚硬二三月開白花。花皆六出。甚芬香。夏秋結實如

訶子狀。生青熟黃。中仁深紅。九月採實暴乾。皮薄而圓小。刻房

七稜。至九稜者為佳。卮酒器也。卮子象之故名。俗作梔子。司馬

相如賦云鮮支黃燦註云鮮支即支子也。

氣味苦寒無毒

主治五內和氣胃中熱氣面赤酒皸鼻白癰赤癰瘡瘍○療

目赤熱痛胸心大小腸大熱心中煩悶○去熱毒風除時疾

熱解五種黃病利五淋通小便鮮消渴明目主中惡殺廢蟲

毒○解玉支毒○主瘡癰紫癰風○治心煩懊懷不得眠解

下血滯而小便不利○瀉三焦火清胃脘血治熱厥心痛解


熱鬱行結氣○治吐血衄血血痢下血血淋損傷瘀血及傷

寒勞復熱厥頭痛疝氣湯火傷

色子
本經中品



色赤



大梔子
染色用

修治震亨曰治上焦中焦連殼用下焦去殼炒用血病炒黑用
好古曰去心胸中熱用仁去肌表熱用皮
元素曰氣薄味厚輕清上行氣浮而味降陽中陰也果曰沉也

陰也入手太陰肺經
黎居士易簡方治鼻衄血山危子燒灰吹之屢用有效

樟樹 樹高丈餘小葉似楠而尖長背有黃赤茸毛四時不凋夏

開細花結小子木大者數抱肌理細而錯縱有文故謂之樟
豫章縣因木得名腦係樟樹脂也狀如龍腦白色如雪故謂之腦
又出韶州故一名韶腦俗訛為朝腦

氣味辛熱無毒主治通關竅

樟樹 新增

利滯氣治尸惡和氣霍亂
心腹痛寒濕脚氣疥癬風
癢齧齒殺蟲辟蠹著屨中
去脚氣
朝腦朱砂等分擦蟲牙疼効



煎樟腦法用樟木新者切片以井水浸三日三夜入鍋煎之柳木頻攪待汁減半柳上有白霜即瀝去滓傾汁瓦盆內經宿自然結成塊也鍊升之法不一升一次者色皂升兩三次者色白人多以此亂片腦不可不辨

麒麟竭今南番諸國及廣州皆出之木高數丈婆婆娑可愛爾似

櫻桃而有三角其脂液從木中流出滴下如膠飴狀久而堅凝乃成竭赤作血色故亦謂之血竭採無時本草綱目云麒麟赤馬名也曰麒麟者隱之也

氣味甘鹹平無毒

主治心腹卒痛金瘡血出破積血止痛生肉去五臟和氣○傷折打損一切疼痛血氣攪刺內傷血聚補虛並宜酒服○補心包絡肝血不足○益陽精消陰滯氣○傳一切惡瘡疥癬

久不合性急不可多使却引膿○散滯血諸痛婦人血氣小

兒癰癤

南越志云騏驎竭

紫鈔樹之脂也欲

驗真偽但爵之不

爛如蠟者為上今

人試之以透指甲

者為真或云燒之

赤汁出灰不變色

修治雷公云凡使勿用海母血真似騏驎竭只是味鹹并腥氣

騏驎竭味微鹹甘似梔子氣也欲使先研作粉篩過入丸散

中用若同衆藥搗則化作塵飛也

得蜜陀僧良



騏驎竭
唐本草

騏驎竭

出婆律國今惟南海番舶賈客貨之相傳云其木高七

八尺大可六七圍如積年杉木狀傍生枝葉正圓而背白結實

如草豆蔻。皮有甲錯。香即木中脂也。曰龍腦者。因其狀而貴重之稱也。以白瑩如冰。及作梅花片者為良。故俗呼片腦。又呼冰片。或云梅花片。

氣味辛苦微寒無毒。○主治婦人難產。研末少許。新汲水服。立下。○心腹邪氣。風濕積聚。耳聾。明目。去目赤翳。○內外障眼。鎮心。秘精。治三蟲五痔。○散心盛熱。○入骨治骨痛。○治大腸脫。○療喉痺。腦痛。鼻癰。瘰癧。傷寒舌出。小兒痘陷。



婆律樹

龍腦香婆律樹中脂膏也

修治龍腦香合糯米炭相思子貯之則不耗或以燈草杉木炭

養之更良元素曰熱陽中之陽大片明亮者良

龍腦香色如冰清香與之有杉木氣今人多以樟腦升打亂之

不可不辨

阿魏木生波斯國及伽闍那國木長八九尺皮色青黃三月生

葉似鼠耳無花實其枝汁出如飴久乃堅凝名阿魏阿曰呢魏

曰噠西番語也一云阿我也魏畏也此物極臭阿之所畏也唐

本草謂之薰渠古人謂之哈昔泥

氣味辛平無毒

主治殺諸小蟲去臭氣破癥積下惡氣除邪鬼蠱毒○治風邪

鬼疰心腹中冷○傳尸冷氣辟瘟治瘡主霍亂心腹痛腎氣

溫瘧瘰一切瘡藥毒○鮮白死牛羊馬肉諸毒○消肉積

阿魏阿盧樹脂也狀如
 桃膠其色黃如栗辦者
 為上色黑者不堪用繫
 羊射脂之說俗亦相傳
 但無實據諺云黃金無
 假阿魏無真以其多偽
 也劉純詩云阿魏無真
 却有真臭而止臭乃為
 珍

唐本草

阿魏此木津液
 自草部移入此



波斯國呼阿盧
 天竺國呼形盧

炳曰人多言煎蒜白為假者
 驗法有三第一以半銖安熟
 銅器中一宿至明沾阿魏
 處白如銀永無赤色第二將
 一銖置於五斗草自然汁中
 一夜至明如鮮血色第三將
 一銖於柚樹上樹立乾便是
 真者凡用乳銖研細熱酒器
 上裏過入藥

治惡症腹痛不可忍者阿魏末熱酒服一二錢立止永類鈴方

生波斯國木之脂淚凝聚而成狀似黑錫故醫學入門曰盧黑色也會聚也一名訥會一名奴會俗呼為象膽蓋以其味苦如膽故也。

氣味苦寒無毒

主治熱風煩悶胸膈間熱

驚風療五疳殺小兒癰癤

痔病瘡癰解巴豆毒

主小兒諸疳熱

單用殺疳蚘吹鼻殺腦

疳除鼻癢

研末傅罌齒甚妙治濕

癬出黃汁

宋開寶盧會係此木脂



修治先搗成粉待衆藥末出然後入藥中自草部移入此

無莢始生晉山川谷。今近道亦有之。大抵類類而差小。其實亦早成。比榆乃大。氣臭如玃。一名無姑。一名蕨蕓。醫學入門曰：蕨穢也。莢傷也。其氣臭如傷敗之物也。

氣味辛平無毒。主治五內邪氣。散皮膚骨節中淫。溫行毒去三蟲。化食逐寸。白散。腸中噎喘。息。○主積冷。氣心腹癰痛。除肌膚節中風。淫。如蟲行。長。負。治五痔。殺中惡。蠱毒。諸病不生。○治惡瘡。疥癬。殺蟲。止痛。婦人子宮風。虛。孩子疳。瀉。冷。痢。疳。訶子。豆蔻。良。



無莢

本經中品

形類榆莢

氣臭

修治無莢檮末入藥使

三月采實
大者為良

枳實枳殼

枳實生河內川澤。枳殼生商州川谷。今京西江湖州郡皆有之。木如橘而小。高五七尺。葉如橙。多刺。春生白花。至秋成實。本草綱目云。枳乃木名。從只諧聲也。醫學入門云。七月八月采者為實。小而色青中實。故名枳實。九月十月采者為殼。大而色黃紫多穰。入藥去穰用殼。故名枳殼。

枳實氣味苦寒無毒

主治大風在皮膚中如麻豆苦痒除寒熱結止痢長肌肉利五臟益氣輕身。○除胸脇痰癖逐停水破結實消脹滿心下急痞痛逆氣脇風痛安胃氣止瀉泄明目。○解傷寒結胸主上氣喘欬胃內傷冷陰痿而有氣加而用之。○消食散敗血破積堅去胃中濕熱。

枳實本經中品

皮青肉赤白



青而小者俗呼鵝眼
枳實近道出者小而
綠色氣臭俗呼綠衣

修治枳實用皮厚而小翻肚如盆口狀陳

久者為勝水漬透切
其性酷而速

氣厚味薄浮而升微降陰中陽也

子母秘錄治婦人陰腫堅痛枳實半斤碎炒令熟故帛裹熨冷

即易之枳實臣

枳殼氣味苦酸微寒無毒

主治風痺麻痺通利關節勞氣欬嗽背膊問倦散留結胸膈痰

滯逐水消脹滿大脇風安胃止風痛○遍身風癰肌中如麻


豆惡瘡腸風痔疾心腹結氣兩脇脹虛關膈壅塞○健脾開

胃調五臟下氣止嘔逆消痰治反胃霍亂瀉痢消食破癥結


瘰癧五膈氣及肺氣水腫大小腸除風明目灸熱熨痔腫

泄肺氣除胸滿○治裏急後重其性詳而緩

枳殼 宋開寶
氣味 沉降與枳
實同
果曰沉也陰也
修治 水浸去穰
切片 麩炒



枳殼皮青肉白



小兒軟癰大
枳殼一箇去
白磨口平麩
糊抹邊合瘡
上自出膿血
盡更無痕也

烏藥

始生嶺南邕容州及江南。今台州雷州衡州亦有之。以天

台者為勝。木似茶櫟。高五七尺。葉微圓而尖。作三桠。面青背白。五月開細花。黃白色。六月結實。根色黑褐。似山芍藥根。又似烏樟根。八月采根。以作車轂形如連珠狀者佳。烏以色名。其葉狀似鱗鯢鯽魚。故俗呼為鱗鯢樹。拾遺作旁其。方音訛也。其氣似

樟。故南人呼為矮樟。

氣味辛溫無毒

主治中惡心腹痛蠱毒疰忤鬼氣宿食不消天行疫瘴膀胱腎
間冷氣攻衝背脊婦人血氣小兒腹中諸蟲○除一切冷霍
亂反胃吐食瀉痢癰癤疥癬并解冷熱其功不可悉載猶犬
百病並可磨服○理元氣○中氣脚氣疝氣氣厥頭痛腹脹
喘急止小便頻數及白濁

鳥藥
宋開
寶



連珠形



色黑褐

天台者佳

修治鳥藥極硬難切須水漬一二日漉出晾片時切片入劑亦
有以童便浸煮者各隨方法

好古曰氣厚於味陽也入足陽明少陰經
濟急方治小兒慢驚昏沉或搗鳥藥磨水灌之


厚朴始出交趾冤句。今京西陝西江淮湖南蜀川山谷中往往有之。而以梓州龍州者爲上。木高三四丈。徑一二尺。春生葉如櫟葉。四季不凋。紅花而青實。其木質朴而皮厚。故名厚朴。其味辛烈而色紫赤。故日華子名烈朴。別錄名赤朴。

氣味苦溫無毒

主治中風傷寒頭痛寒熱驚悸氣血痺死肌去三蟲。○溫中益氣消痰下氣療霍亂及腹痛脹滿胃中冷逆胃中嘔不止洩痢淋露除驚去留熱心煩滿厚腸胃。○建脾治反胃霍亂轉筋冷熱氣瀉勝胱及五臟一切氣婦人產前產後腹臟不安殺腸中蟲明耳目調關節。○治積年冷氣腹內雷鳴虛吼宿食不消去結水破宿血化水穀止吐酸水大溫胃氣治冷痛主病人虛而尿白。○主肺氣脹滿膨而喘欬。

皮鱗皺而厚紫色油潤者俗呼紫油厚朴入劑最佳薄而白者俗呼山厚朴不堪用三月九月十月采皮

厚朴本經中品



修治刮去粗皮入丸散酥油炙入湯飲薑汁炒○元素曰氣溫味苦辛氣味俱厚體重濁而微降陰中陽也果曰可升可降之才曰乾薑為之使惡澤瀉消石寒水石忌豆食之動氣治霍亂厚朴以薑汁火炙全香為末新汲水調下二錢七甚妙

茶

即今閩浙蜀荆江湖淮南山中皆有之爾雅所謂檟苦檣郭璞云木小似梔子冬生葉可煮作羹飲今呼早採者為茶晚採

者為茗。茶經云：茶者南方佳木，自一尺二尺至數十尺，其巴川、峽山有兩人合抱者，伐而掇之。木如瓜蘆，葉如梔子，花如白薔薇，實如栟櫚，蒂如丁香，根如胡桃。其名一曰茶，二曰檟，三曰蔎，四曰茗，五曰薺。今通謂之茶。茶聲近，故呼之。楊慎丹鉛錄云：茶即古茶字。詩云：誰謂荼苦，其甘如薺。是也。

茶氣味苦甘微寒無毒

主治癯瘠利小便去痰熱止渴令人少睡有力悅志○下氣消食作飲加茱萸蔥薑良○破熱氣除瘴氣利大小腸○清頭目治中風昏憤多睡不醒○治傷暑合醋治泄痢甚效○炒煎飲治熱毒赤白痢同芎藭葱白煎飲止頭痛○濃煎吐風熱痰涎

茶清明采者上穀雨采者次之古人謂茶為雀舌麥

穎言其至嫩也又有新芽

一發便長寸餘其粗如針

最為上品其根榦水土力

皆有餘故也

細茶宜人粗茶損人少飲

則醒神思多飲則致疾病

藏器曰苦寒久服令人瘦去人脂使人不睡飲之宜熱冷則聚

痰胡洽曰與樞同食令人身重李廷龜曰大渴及酒後飲茶

入腎經令人腰脚膀胱冷痛兼患水腫攣痺諸疾大抵飲茶

宜少不飲尤佳空腹最忌之時珍曰服藏靈仙土茯苓忌飲

茶

毛文錫茶譜云蒙山有五頂上有茶園其中頂曰上清峯昔有

僧人病冷且久遇一老父謂曰蒙之中頂茶當以春分之先

後多構人力俟雷發聲併手采摘三日而止若獲一兩以本



茗
唐本草

本草原始

木部

四卷三八

處水煎服即能祛宿疾二兩當眼前無疾三兩能固肌骨四兩即為地仙矣其僧如說獲一兩餘服之未盡而疾瘳其四頂茶園采摘不廢惟中峯草木繁密雲霧蔽虧驚獸時出故人跡不到矣近歲稍貴此品製作亦精于他處

茶

出南畝係細茶末入竹筒中緊塞兩頭汚泥溝中日久取出搗汁熬製而成其塊小而黑潤者為上塊大焦枯者次之番人呼為烏爹泥又呼為烏疊泥俗因揉小兒諸瘡效每呼為兒茶又呼為孩兒茶氣味苦甘微寒無毒主治清上膈熱痰生津塗金瘡一切諸瘡生肌定痛止血排膿除濕降火按兒茶乃治瘡之聖藥徧查本草並無載之者予補之未知其詳待後之識者再政之

山木

始生漢中山谷及琅琊宛句東海承縣今海州亦有之

木高丈餘葉似榆花白子初熟未乾赤色似胡頹子有核亦可

嗽既乾皮甚薄。九月十月採實陰乾。吳普云。葉如梅。有刺毛。二月花如杏。四月實如酸棗赤色。故本經名蜀酸棗。醫學入門曰。棗色赤也。莢肥腴也。

氣味酸平無毒

主治心下邪氣寒熱溫中逐寒濕痺去三蟲久服輕身。○腸胃風和寒熱疝瘕頭風風氣去來鼻塞目黃耳聾面皯下氣出汗強陰益精安五臟通九竅止小便利久服明目強力長年。○治腦骨痛療耳鳴補腎氣興陽道堅陰莖添精髓止老人尿不節治面上瘡能發汗止月水不定。○煖腰膝助水臟除一切風逐一切氣破癥結治酒皸。○溫肝。

本經中品



鮮者紅潤陳者黑枯

陽中之陰入足厥陰少陰經氣分蓼實為之使惡桔梗防風防

已

修治山茱萸以酒潤去核取皮一斤只取四兩緩火焙乾方用

能壯元氣秘精其核能滑精不可服

山茱萸使

紫葳

陵霄花也

始生西海川谷及山陽今處處皆有生山中人家園

圃亦或種蒔初作藤蔓生依南木歲久延引至巔而有花其花

黃赤夏中乃盛俗謂赤艷曰紫葳此花赤艷故曰紫葳附木而


上高數丈故曰陵霄花俗呼為凌霄花

氣味酸微寒無毒

主治婦人產乳餘疾崩中癥瘕血閉寒熱羸瘦養胎○主熱風
風瀉大小便不利腸中結實止產後奔血不定安胎○治身

遊風風癰治瘰血蒂下○酒釀熱毒風風刺婦人血膈崩中

紫葳今蔓延而生謂之烏
草又有木身謂之烏木又
須木而上然幹不逐冬斃
亦得木之多也故分入木
部爲至當唐白樂天詩有
木名凌霄擢秀非孤標由
是益知非草也紫葳臣



本品經中

猪屎始生衡山山谷及濟陰冤句。今蜀州眉州亦有之。生土底。

是木之餘氣所結。皮黑作塊似猪屎。故以名之。一名假猪屎。

氣味甘平無毒

主治痲癰解毒蠱瘕不祥利水道久服輕身耐老○解傷寒溫

疫大熱發汗主腫脹滿腹急痛○治渴除濕去心中懊懣○
瀉膀胱○開腠理治淋腫脚氣白濁帶下妊娠子淋胎腫小
便不利

本草綱目曰馬屎曰

通諸屎曰諸即苓字
其塊零落而下故也



肉色白



諸苓取其
行濕
生用正宜

呆曰其平降也陽中陰也
久服損腎氣昏人目宜詳審之
入足太陽足少陰經

五倍子

以蜀中者為勝生膚木葉上七月結實無花生青熟黃

九月采實暴乾因商販此得五倍之利故名五倍子形似海中

文蛤故一名文蛤內多小蟲故一名百蟲倉會意也法釀過名

百藥煎隱名也

氣味酸平無毒

主治齒宣疳腫肺臟風毒流溢皮膚作風濕癬瘡癢膿水丘痔
下血不止小兒面鼻疳瘡○腸虛泄痢為末熟湯服之生津
液消酒毒治中蠱毒毒藥○口瘡以末搽之便可飲食○飲
肺降火化痰飲止咳嗽消渴盜汗嘔吐失血久痢黃病心腹
痛小兒夜啼烏鬚髮治眼赤濕爛消腫毒喉痺飲漬瘡金瘡
脫肛平腸墜

五倍子
宋開寶



五倍子今
染家多用

修治五倍子捶破去內蟲及污穢或炒或生各隨方法
戲術壁上移字五倍子肉煎水寫字在壁上俟乾却將水洗之
其字自見

烏鬚經驗方五倍子炒一錢銅末醋炒三分白礬飛二分食鹽
一分四味為細末合一處為一料烏黑霜旱蓮草膏二

錢沒食子雌雄二箇、訶子肉五分、白芨五分、川芎五分、遼細辛五分、以上六味、各為細末、搜和一處、名為烏黑霜、前五倍子等四味、一料、入烏黑霜二三分、用濃茶調不稀、不稠、盛磁器中、入鍋內、水、煮、鏡面相似、為度、每用先以皂角燒水洗、鬚淨、令乾、以攪柄塗藥、白鬚上待乾、或茶或水洗去、則鬚柔潤、光黑、可耐月餘、且無摧折之患、矣、其佳方也、要炒倍子得法、炒五倍子法、五倍子超破去蟲、淨肉、小指尖大塊、一次炒、或四兩、或八兩、文武火炒、不佳、手更易、柳條勤攪、令白煙出、透熟、用水濕青布一塊、鋪放淨地上、將熟倍子傾于布中、包法、以脚一躡、開之、自成一塊、隨用上等照前方分兩稱入、鬚多、勿拘一料、

百藥 氣味酸鹹微甘、無毒、主治化痰、清肺、定嗽、止熱、生津、解渴、收濕、消酒、烏鬚、髮止、下血、久痢、脫肛、牙齒宣、腫面、鼻、痔、蝕口、舌、糜爛、風濕、諸瘡、



始出波斯國。今海南諸國及廣州或有之。木之根株皆如

橄欖。葉青而密。歲久者則有脂液流滴在地下凝結成塊。或大或小。亦類安息香。采無時。一名末藥。沒末皆梵言。或云沒淪沒也。木之膏液沒入地中。故名沒藥。

沒藥氣味苦平無毒。主治破血止痛。療金瘡。杖瘡。諸惡瘡。痔漏。卒下血。目中翳。暈痛。膚赤。○破癥瘕。宿血。損傷。瘀血。消腫。痛。○心膽虛。肝血不足。○墮胎。及產後。心腹血氣痛。並入丸散服。○散血。消腫。定痛。生肌。製同乳香。○戲術酒。滿過盡。空盡。先以沒藥抹其弦。斟酒高。一二分。沉不出。

海桐皮

始出南海。已南山谷。今雷州及近海州郡亦有之。葉如



宋開寶

沒藥如琥珀色者佳

手大作三花尖皮多刺似桐皮黃白色故名海桐皮。

氣味苦平無毒主治霍

亂中惡赤白久痢除痔

蠟疥癬牙齒蟲痛並炙

服及含之水浸洗目除

膚赤○主腰脚不遂血

脉頑痺腿膝疼痛霍亂

泄瀉○古方多用浸酒

治風癢入藥用皮

合歡 始生益州山谷今近京雍洛間皆有之人家多植於庭除

間木似梧桐枝甚柔弱葉似皂角極細而繁密互相交結每一

風來輒自相解了不相牽綴五月花發紅白色上有綠茸至秋



海桐

宋開寶

皮有刺

而實作莢子極薄細。崔豹古今注云。欲蠲人之忿。則贈以青裳。青裳合歡也。植之庭除。使人不忿。故嵇康養生論云。合歡蠲忿。萱草忘憂。其葉至暮即合。故唐本草名合昏。日華子名夜合。

木皮氣味甘平無毒
主治安五臟和心志
令人歡樂無憂久服
輕身明目得所欲○
剪膏消癰腫續筋骨
殺蟲搗末和蠶下墨
生油調塗蜘蛛咬瘡
用葉洗衣垢○折傷
疼痛研末酒服二錢
七○和血消腫止痛

合歡
本經中品

葉
搗絞濃汁
浣衣服去
黑垢微



皮
采無時

蜜蒙花

始生益州川谷。今蜀中州郡皆有之。木高丈餘。葉似冬

青葉而厚。背白色。有細毛。又似橘葉。花微紫色。二月三月采花

暴乾。其味甘。甜如蜜。花一朵數十房。蒙然細碎也。故名蜜蒙。

氣味甘平。微寒。無毒。

主治青盲。膚腎赤。澁多眵。淚消目中赤脉。小兒熱豆及肝氣攻
眼羞明。怕日入肝。經氣分潤。肝燥。花小色黃。嚼之甘。

蜜蒙花 宋開寶



製酒洗候乾。蜜拌炒。

巴豆

今嘉州眉州戎州皆有之。木高一二丈。葉如櫻桃而厚大。

初生青色。後漸黃赤。至十二月葉漸稠。二月復漸生。四月舊葉

落盡新葉齊生。即花發成穗微黃色。五六月結實作房。生青。至八月熟而黃。類白豆蔻。漸漸自落乃收之。一房有二瓣一瓣一子或三子。子仍有殼。用之去殼。戎州出者。殼上有縱文隱起如線一道至兩三道。彼土人呼為金線巴豆。最為上等。此物始出巴蜀。而形如菽豆。故以名之。

氣味辛溫有毒

主治傷寒溫瘧寒熱破癥瘕結聚堅積留飲痰癖大腹蕩練五臟六腑開通閉塞利水穀道去惡肉除鬼毒蠱疰邪物殺蟲魚○療女子月閉爛胎金瘡膿血不利丈夫殺斑蝥蛇虺毒可練餌之益血脉令人色好變化與鬼神通○治十種水腫痿痺落胎○通宣一切病泄壅除風補勞健脾開胃消痰破

血排膿消腫毒殺腹臟蟲治惡瘡息肉及疥癩丁腫○導氣
消積去臟腑停寒治生冷硬物所傷○治瀉痢驚癇心腹痛
疝氣風咽耳聾喉痺牙痛通關利竅最能瀉人

本經下品



連殼形



子形



殼黃仁白



八月採用
之去皮

修治有用仁者用殼者用油者有生用者有水煮者酒煮者醋
煮者有麩炒者燒存性者有研爛以紙包壓去油者謂之巴
豆霜

杲曰性熱味辛有大毒浮也陽中陽也時珍曰生猛熟緩能吐

能下能止能行是可升可降藥也

芫花為之使惡蘘草畏大黃黃連藜蘆冷水反牽牛得火良中

其毒者冷水黃連汁大豆汁解之

危氏得效方治夏月水瀉不止巴豆一粒針頭穿燈上燒存性

化蠟和作一九倒流水下

巴豆使

通翹

始生太山山谷。今處處山谷有之。此物有二種。一種似椿實之未開者。殼小堅而外完無跗萼。剖之則中解。氣甚芬馥。其實纔乾。振之皆落。不著莖也。圖經曰。大翹者即此也。一種乃如菡萏。殼柔外有跗萼。抱之無解。脉亦無香氣。乾之雖久。著莖不脫。圖經曰。小翹者即此也。俗多用如椿實者。其實折之。其間片片相比。如翹應。以此得名爾。又一名異翹。一名連苕。

氣味苦平無毒

主治寒熱鼠癰。癰瘰癧腫。惡瘡癭瘤。結熱蠱毒。去白蟲。○主通利五淋。小便不通。除心家客熱。○通小腸。排膿。治瘡。腐止痛。通月經。○尤宜小兒。

連翹本經


草部下品



正



側



中

連翹樹

高數尺

修治連翹去蒂熟任用禽口者佳開辦者不堪用

連翹使

蜀椒

始生武都川谷及巴郡。今歸峽及蜀川陝洛間人家多作

園圃種之。高四五尺似茱萸而小有針刺。葉堅而滑。可煮飲。食

甚辛香。四月結子。如小豆顆而圓。生青熟紫赤色。八月采實陰

乾。此椒江淮及北土皆有之。莖實都相似。但不及蜀中者皮肉

厚。腹裏白。氣味濃烈耳。故本經惟曰蜀椒。俗呼川椒。其子光黑

如人瞳子。謂之椒目。

椒紅氣味辛溫有毒

主治和氣欬逆溫中逐骨節皮膚死肌寒熱痺痛下氣久服頭

不白輕身增年○除六腑寒冷傷寒溫瘡大風汗不出心腹

留飲宿食腸癖下痢洩精女子字乳餘疾散風邪痼結水腫

黃疸鬼疰蠱毒殺蟲魚毒久服開腠理通血脉堅齒髮明目

調關節耐寒暑可作膏藥○治頭風下淚腰痛脚不遂虛損留

結破血下諸石水治欬嗽腹內冷痛除齒痛○破癥結開胸

治天行時氣產後宿血壯陽療陰汗暖腰膝縮小便止嘔逆

○通神去老益血利五臟下乳汁滅癥生毛髮○散寒除濕

鮮鬱結消宿食通三焦溫脾胃補右腎命門殺蛇蟲止泄瀉

本經下品



他處出者俗呼花
椒不及蜀椒功力

修治蜀椒去目及閉口者炒熱隔紙鋪地上以棕覆待冷碾取

紅用

別錄曰多食令人乏氣口閉者殺人說曰五月食椒損氣傷心

今人多忘李廷飛曰久食令失明傷血脉杏仁爲之使畏欬冬防風附子雄黃可收水銀中其毒者凉水

麻仁漿解之

大全良方治寒濕脚氣川椒二三斤疎布囊盛之以踏脚貴

人所用

蜀椒使

椒目氣味苦寒無毒主治水腹脹滿利小便治十二種水氣及

腎虛耳卒鳴聾勝眈急止氣喘

海上方治痔漏腫痛椒目一撮碾細空心水服三錢如神使

皂莢

始生雍州川谷及魯鄒縣今所在有之木極有高大者葉

瘦長而尖枝間多刺夏開細黃花結實有三種一種小如猪牙

一種長而肥厚多脂而粘一種長而瘦薄枯燥不粘皂黑色也

莢兩相夾合而中藏子也故名皂莢俗呼皂角本經以形如猪

牙者為良。故俗皆用猪牙皂莢。每呼為牙皂。

氣味辛鹹。溫有小毒。

主治風痺死肌。和氣風頭。淚出利九竅。殺精物。○療腰脹滿消。

殺除效。嗽囊結。婦人胞不落。明目益精。可為沐藥。不入湯。

通關節。頭風消痰。殺蟲。治骨蒸。開胃中風口。○破堅癥。腹

中痛。能墮胎。又將漫酒中取盡其精。煎成膏塗帛。貼一切腫

痛。○海暑久雨。時合蒼朮。燒烟辟瘟疫。邪濕氣。○燒烟熏久

痢脫肛。○搜肝風。瀉肝氣。○通肺及大腸氣。治咽喉痺塞痰

氣喘。效風癘疥癬。外丹本草謂之懸刀。

皂角樹多長皂莢。

刺難上采。

時以淺籠。

其樹一夜。

其角自落。

亦一異也。


有不結莢者。樹鑿一孔。入生鐵三五斤。以泥封之。自然結莢。

多脂者佳。

刺



猪牙皂莢
本經下品



小而肥
者為良

修治皂莢以銅刀削去粗皮以酥反復炒透槌去子弦用今用
有蜜炙酥炙絞汁燒灰之異各依方法
好古曰入厥陰經氣分之才曰柏實為之使惡麥門冬畏空青
人參苦參伏丹砂粉霜硫黃硃砂
千金方治鬼魔不寤皂莢末刀圭吹之能起死人
皂莢使

訶梨勒

始生交愛州。今嶺南皆有而廣州最勝。株似木椀。花白。

子似梔子。青黃色。皮肉相著。八月采實。六路者佳。梵言天主持
來也。俗呼訶子。

氣味苦溫無毒

主治冷氣心腹脹滿下食○破胸膈結氣通利津液上水道黑

髮髮○下宿物止腸澼久洩赤白痢○消痰下氣化食開胃

除煩治水調中止嘔吐霍亂心腹虛痛奔豚腎氣肺氣喘急

五膈氣腸風瀉血崩中帶下懷孕漏胎及胎動欲生脹悶氣

喘并患痢人肚門急痛產婦陰痛和蠟燒烟熏之及煎湯熏

洗○治痰嗽咽喉不利含三數枚殊勝○實大腸欬肺降火

訶梨勒
唐本草



有白
色者



有青黃色者
有蒼黑色者

修治酒浸後蒸一伏時刀削去路取肉剉焙用用核去肉今用

多火炮去核用肉六路黑色肉厚者良

好古曰苦酸平苦重酸輕味厚陰也降也

千金方治一切氣疾訶子三枚濕紙包煨熟去核細嚼以牛乳

下訶梨勒使

楝 始生荆山山谷。今處處有之。以蜀川者為勝。故俗呼川楝子。木高丈餘。葉密如槐而長。三四月開花紅紫色。芬香滿庭。實如彈丸。生青熟黃。十二月采實。根采無時。種有雌雄。雄者根赤無子。有大毒。服之使人吐不能止。雌者根白有子。微毒。入藥當用。圖經謂之苦楝。因味苦也。按羅願爾雅翼云。楝葉可以練物。故謂之楝。其子如小鈴。熟則黃色。故一名金鈴子。象形也。

實氣味苦寒有小毒

主治溫疾傷寒大熱煩狂發三蟲疥瘍利小便水道○主中大熱狂失心躁悶作湯浴不入湯使○入心及小腸土上下部腹痛○瀉膀胱○治諸疔蟲痔

棟 本經下品 五月五日 取佩之辟 惡 花熱癰 末 參之鋪 席下殺 虱 修治棟實酒拌令透蒸待皮軟刮去皮取肉去核用凡使肉不 經使核使核不使肉如使核搥碎用漿水煮一伏時晒乾用 空方治下十丸至二十九甚妙 集簡方治小兒蛇蟲用棟根皮同雞卵煮熟空心食之次日蟲 即下



根及木皮氣 味苦微寒微 毒主治蛇蟲 利大腸○苦 酒和塗疥癬 甚良○治遊 風熱毒風癰 惡瘡疥癩小 兒壯熱煎湯 浸洗



出波斯國。呼為摩澤樹。高六七大圍八九尺。葉似桃而

長。三月開花。白色。心微紅。子圓如彈丸。初青熟乃黃白。蟲蝕成

孔者。入藥用。其樹一年生無食子。一年生跋屢。大如指長三寸。

上有殼。中仁如栗黃。可噉之。波斯每食以代果。番胡呼為沒食

子。今人呼為墨石。沒石。轉傳訛矣。無食子唐本草

氣味苦溫無毒。主治赤白痢。腸滑。有黑白二種。凡使勿犯

生肌肉。○腸虛冷。痢益血。生精和。銅鐵并彼

氣安神。烏髭髮。治陰毒。瘰癧。灰用。火驚用。穀

○溫中。治陰瘡。陰汗。小兒疳。蠶冷。小無枚。米

滑不禁。○聖濟總錄。治牙齦痛。無。者沙鍋炒

食子末。一錢。綿裹。咬之。涎出。吐去。細研入藥



益智子

按山海經云。生崑崙國。今嶺南州郡往往有之。葉似藜荷。長丈餘。其根傍生小枝。高七八寸。無葉。花萼作穗生。其上如棗許大。皮白中仁黑。仁細者佳。含之攝涎唾。采無時。醫學入門曰。服之益人智慧。故名。

仁氣味辛溫無毒

主治遺精虛漏。小便餘瀝。益氣安神。補不足。利三焦。調諸氣。夜多小便者。取二十四枚。碎入鹽同煎。服有奇驗。○治客寒犯胃。和中益氣。及人多唾。○益脾胃。理元氣。補腎虛。滑瀝。○冷氣。腹痛。及心氣不足。夢洩。赤濁。熱傷心。系吐血。血崩諸症。

益智子
宋開寶



子如筆頭而兩頭尖長
七八分。修治去殼取仁。

蘇木

樹似菴羅。葉如榆葉而無澁。抽條長丈許。花黃。子生青。

熟黑。海島有蘇方國。其地產此木。故名蘇方木。今人省呼為蘇木耳。

蘇方木氣味甘鹹平無毒。主治破血產後血脹悶欲死者。水煮五兩取濃汁服。婦人血氣心腹痛月候不調及痔瘡排膿止痛消癰。腫撲損瘀血。女人失音血。噤赤白痢并後分急痛。霍亂嘔逆及人常嘔吐水煎服之效。○破瘡瘍死血產後敗血。

唐本草



俗呼蘇木此人用染色者

謹按徐表南海記生海畔葉似絳木若女栝味平無毒主虛勞
血癖氣壅滯產後惡露不安心腹攪痛及經絡不通男女中
風口噤不語並宜細研乳頭香末方寸七以酒煎蘇方木去
滓調服立吐惡物差

木蘭

始出朗州及南中。今湖廣諸州及杭越全岳州亦有之。

春生苗作蔓葉有五花狀如山芋青色面光四月生黃花六月
結實似栝樓而極大生青熟紅肉上有刺每一實其核三四十
枚七月八月采實其核似鼈故以為名。


氣味甘溫無毒

主治折傷消結腫惡瘡生肌止腰痛除粉刺黥婦人乳癰肛
門腫痛○研燒湯熏痔


木鼈子老者殼色蒼黑嫩者殼色黃白仁皮綠肉白者佳多

油及瘦薄者不堪用 俗呼土木鼈子亦呼正木鼈子

木鼈子
別錄下品



齊者
為雌



尖者
為雄

修治去殼取
仁或去油用

百中方治小兒泄瀉白痢用木鼈子一枚去殼細切母丁香一枚共為一處碾為末先以米泔洗臍淨拭乾納末于臍中令滿上以小膏藥貼之即止

椿木

舊並不載所出州土今南北皆有之二木形幹大抵

相類但椿木實而葉香可嗽。樗木疎而氣臭。膳夫亦能熬去其氣。北人呼樗為山椿。江東人呼為虎目。葉脫處有痕如虎之目。又如樗蒲子故得此名。



葉氣味苦溫有小毒主治瘰癧水洗瘡疥風疽搏木根葉尤良
白壳不生髮取椿桃楸葉心搗汁頻塗之○嫩芽消風祛毒
白皮及根皮氣味苦溫無毒主治痔瘻蠶搏根尤良○去口鼻瘡
蟲疥蠶鬼注傳尸蠱毒下血及赤白久痢○得地榆止痔瘡
○止女子血崩產後血不止赤帶腸風瀉血不住腸瀉縮小
便蜜炙用○利溺澀○治赤白濁赤白帶濕氣下痢精滑夢
遺燥下濕去肺胃陳積之痰 椿皮色赤性澁入血分椿皮
色白性利入氣分

唐本草

椿樗二樹大同小異

衍義曰洛陽一女子年四十六七。乾飲無度。多食魚鱗。畜毒在臟。日夜二三十。謂大便與膿血。雜下大腸。連肛門。痛不堪任。醫以止血痢藥。不效。又以勝風藥。則益甚。蓋勝風則有血而無膿。如此。半年餘。氣血漸弱。食減。肌瘦。服熱藥。則腹愈痛。血愈下。服涼藥。即注瀉。食愈減。服溫平藥。則病不知如此。將甚。歲垂命。待盡。或人教服人參散。一服。知二服。減三服。膿血皆定。遂常服之。而愈。其方治大腸風虛。飲酒過度。挾熱下痢。膿血痛甚。多日不差。樗根白皮。一兩人參。一兩。為末。每服二錢。空心溫酒調服。米飲亦可。忌油膩濕麪青菜果子甜物雞猪魚羊蒜薤等。

樗根白皮 始出嶺南及西川。今江南亦有之。木高一二丈。無枝條。葉大而圓。有如車輪。萃於樹杪。其下有皮重疊累之。每皮一匝為一節。二旬一采。皮轉復生上。六七月生黃白花。八九月結實。作

房如魚子黑色。九月十月采其皮用。山海經云。石翠之山。其木
多櫟是也。

皮氣味苦。瀉平。無毒。主治止鼻衄吐血。破癥治腸風。赤白痢崩
中。帶下。燒存性用。○主金瘡疥癬生肌止血。
筍及子花。主治瀉腸止瀉。痢腸風崩中。帶下及養血。

櫟 宋嘉祐
其皮每歲剥取
不爾束死或不
長也
皮作繩入水千
年不爛
年久敗櫟入藥
尤妙



櫟

苞木部

竹處處有之。其類甚多。入藥者惟三種。人多不能別。謹按竹譜。篁竹堅而節促。體圓而質勁。皮白如霜。即水白竹也。淡竹似篁而茂。即甘竹也。苦竹有白有紫。李時珍綱目云。竹字象形。許慎說文云。竹冬生草也。故字從倒草。

董竹葉味苦平無毒。主治欬逆。上氣溢筋。急惡瘍。殺小蟲。除煩熱。風瘰。喉痺。嘔吐。根作湯。益氣止渴。補虛下氣。消毒汁。主風瘰。



淡竹葉氣味辛平大寒無毒主治胃中痰熱欬逆上氣
 治吐血熱毒
 止消渴壓丹
 石毒○消痰
 治熱狂煩悶
 中風失音不
 語壯熱頭痛
 頭風止驚悸
 溫疫迷悶妊
 婦頭旋倒地
 小兒驚癇天
 疳○喉痺鬼
 疰惡氣煩熱
 殺小蟲○涼
 心經益元氣
 除熱緩脾



淡竹

竹茹微寒主嘔呃溫氣
 寒熱吐血胸中溢筋

竹瀝大寒療暴中風風
 痺胃中大熱止煩悶

苦竹葉氣味苦冷無毒主治口瘡目痛明目利九竅○治不眠
止消渴解酒毒除煩熱發汗療中風瘡癰○殺蟲治諸瘡疥
癬



苦竹

竹根鞭喜行東
南宜死猶畏皂
刺油麻

竹笋

笋主治消
渴利水道
益氣宜食

草中一種莖如鐵線而長葉小如竹一種莖青而短葉大如竹

俗皆呼淡竹葉利小水治喉痺等證並效

肘后方治時行發黃竹葉五升切小麥七升石膏三兩水一斗

半煮取七升細服盡劑而愈

天竺黃

志曰生天竺國大明曰此是南海邊竹內塵沙結成者

宗奭曰此是竹內所生如黃土著竹成片者故名竹黃按吳

僧贊寧云竹黃生南海鏞竹中此竹極大又各天竹其內有

黃可以療疾本經作天竺者非矣竹黃氣味甘寒無毒

主治小兒驚風天弔去諸風熱鎮心明目療金瘡滋養五臟

治中風痰墜卒失音不語小兒客忤癇疾制藥毒發熱

竹黃形塊大小散碎不同體輕有黑白牙色之異味其牙色

者善白者次黑者下人多燒龍蛟諸骨蛤粉雜之宜辨

雷竹

生石城山谷及漢中土中竹之餘氣所結故一名竹苓本

草綱目云雷斧雷楔皆霹靂擊物精氣所化此物生土中無苗

蔓而殺蟲逐邪。猶雷之丸也。醫學入門云。雷累也。累累相連如丸狀也。

氣味苦寒。有小毒。主治殺三蟲。逐毒氣。胃中熱。利丈夫。不利女。

子○作摩膏。除小兒百病。逐邪氣。惡風汗。出除皮中熱。結積。蟲毒。寸白蟲。自出。不止。久服。令人陰痿。○逐風。主癰癩。狂走。

雷丸。本經下品。皮黑。肉白。者良。

蕒實。厚朴。先花。銅刀刮去黑皮。酒拌。

為之。使惡蓄根。蒸焙乾。用大明曰入。

葛根。赤者。殺人。藥炮用。

按陳正敏。避瘴閑覽云。楊勳。中年得異病。每發。語腹中有小聲。

應之久。漸聲大。有道士見之。曰。此應聲蟲也。但讀本草。取其不應者。治之。讀至雷丸。不應。遂頓服數粒而愈。雷丸君。

本草原始卷之四